


3140/4414.83
II



卷之七

人物志下

文事

李任潛心理學考友端友生

任得以選後終其於榮利能自守其所以終身

類邵康節禮放書彭蠡理慈有荷克勤又

林伴遠康與李卯亞元斌仕銅陵一哉即所稱杜門者蓋也夫

字儀其面為文高古疎方陸雪莊李翁自為言別亮

棲霞縣志卷七

哈佛大學漢和
圖書館珍藏印

棲霞縣知縣龍門衛 莫纂

人物志下

文學

李 任潛心理學孝友端方生平著述甚富受業者多至顯達

任獨以選拔終其於榮利顧泊如也時以吟嘯自適詩

類邵康節陸放翁多得理趣有傳見藝文

林仲懿康熙辛卯亞元筮仕銅陵一歲卽解組杜門著書邑人

罕識其面爲文高古疎宕酷嗜莊騷獨以爲旨與孔孟

合遂註離騷中正南華本義二書其子譔刻以行世李彭兩邑令嘗慕而就訪之率談忠孝利濟事不及邑政也

孝子

明

段忙兒

母邁奇疾屢藥不效乃割股煮藥進服之即愈有司以其事聞奉詔旌表

郭強

未事詩書天性純孝母卒葬河涯村西南強廬墓三年日負土築墓有清泉湧於墓側訖事而滴人異之有司

上其事撫按交旌其門

林有李

幼失怙恃祖母撫育成及故廬墓三年哀痛倍切

周貽辭

孝親廬墓以布衣賜衣巾

杜汝愛

母死廬墓三年又廬祖墓三年

孫斯繩

拔貢癸未城陷捍親過害

鄒守忠 父死廬墓三年

國朝

蔣應恒 父歿廬墓三年後值夏旱應恒出禱甘霖大澍人以為孝能感天云

楊守祿 母死廬墓泣血三年未嘗見齒足不至百步外鄉官李唐裔扁旌之

呂大漢 農民也居埠後村順治十八年大旱大漢之祖甫蒞居民疑為早魃聚眾擊之漢日夜捍禦死于墓側

梁學孔

林汝松 汝栢 兄弟因亂與母相失二子棄家覓得之爭以身易母至人不可乃為備數載諸艱備嘗受直而

母贖

楊守節 親歿廬墓三年

劉廣生 大車社庠生父仲熠早卒撫於繼母樂氏及卒廬墓三年李君唐裔撰有碑文

鄒孝行 艾山社人康熙二十年于七之亂母為亂兵所掠鬻遠方孝行年長始知之受室之夕忽念母大慟詰朝裝糧出尋得焉泣請諸主人願行傭以奉母許之居三十年母死負骸而歸時夫婦皆五十餘矣尚舉一子人以為孝感所致登萊青道

熊旌曰誠孝克昌 蛇窩社人七歲入塾聞講孝弟即欣然樂聽父嘗以榮

牟榮 晨夕歡養一日奔父疾趨而顛幾成廢疾少間復依依膝下蓋終身孺慕者

衣桐 地足而暇父嗜酒侵晨必酌之而後出雖貧不少聞父

郝大用 泉本社庠生本側室子也父早卒事二母俱盡歡嬉母年高昏亂不變晨昏每饌必親供不以委婢婦歿由盡

道熊旌曰純孝持久

妻夏系志 卷一

哀老年好學子孫四世

同居有陳江州之風焉

李如湛 舍留社人母卒廬墓三年足不履百步外嘗負石為垣

李極宸 寺口社庠生母九十八歲卒極年已八十矣猶慮墓

馬 鑰 王革社庠生少失母繼生二子鑰極友愛事親與弟爭

服其勞父歿母老鑰以白首承歡人謂之老萊子云

孝友

呂元和 西隅社庠生幼以孝聞郵孤賙急人尤賴

牟國琛 字公寶邑增生為人嚴正樸誠岸然長者兄弟友愛甚

篤少弟國鑰病親調藥餌抱持不眠者數月于七亂興

羅織之獄同懷八人誣繫臬獄者七家人或奉新綿衣

推以與長兄而自甘鴛結事平以姪恒有異才教之登

第為名御史其餘恬惓輩皆少孤為代理其家務與已

子並口授詩書人莫辨其為姪也臨財尤不苟晚著家

高 浚 邑增生少依外祖樂讀書成名後舌耕以養親兄弟四

人皆賴俊而食然廉介不苟取以故人尤重之學師稱

父遺蓄並應得之產居鄉有唾面自乾之風邑令莊延為大賓表曰端方碩彥
龔留庠生兄弟十人楷年十四已分爨而兄生楸以奢靡破產楷以已產復與之合楸卒遺妻韓氏並一子七女婚嫁皆楷任之資送頗盛嘗為姪景雲置田五十畝楷沒乃異爨而異焉楷先嫂卒嘗預為置棺其周至如此

年 愴

歲貢生任恩縣司訓性耿介不樂時俗獨於骨肉甚篤兄恬食指繁多用不給愴自節以佐兄歲為常所居去兄五里有異味必携與共食否則不獨嘗也猶子三資其膏火而教之兩捷南宮一登賢書羣從子弟課業不進則泣而笞之年氏近時之盛實愴成之
蛇窩社廩生幼失父事母以孝聞兄嫂沒遺幼女撫而嫁之粧資甚厚姊適萊邑董氏生子人鶴貧而聰穎仰特延師備膏火俾人鶴卒成名士居鄉排難解紛人尤德之

年 心仰

廩貢生大中丞晉曾孫兄弟六人多早亡獨持家務寡嫂孤姪各得所願無間言母趙氏年八十餘生養葬祭悉如禮坦易接物兩以優行舉為諸生楷模

郝作權

林叔慶

歲貢生有至性姪審少孤延師教之及審遊庠食餼每資應試費不以拮据有難色嘗夢神人告之曰爾子誥當以第三十六人登科後誥領丁卯鄉薦悉如夢人咸謂孝友之感云處族鄰尤持古道年七十二無病而卒蛇窩社增生善事父母撫孤姪遺傳如子中年不祿遺二藐孤遺傳又撫之延師督學以嗣其先人

年 悃

幼孤力為遊後家窘甚遂習學終身共爨迄今衣食之豐姪與子均也當窮窘時其奉母育弟皆極力營辦致豐美焉生平濟人之惠姻族賴以成家者不可枚舉

王詔詔

儒醫也孝事父母父沒遺幼子日詔詔病失明詔痛其延師教之卵翼之恩及於兩世故身沒而弟姓哭之皆如痛其父云

義行

明

劉文萃

邑庠生正德七年流賊肆掠萃率眾禦之不勝被執無怖色大罵不屈遂遇害

王

璘

字廷玉值流賊橫行避難自遠方來者慕義投璘璘悉為館穀有張賢者疾卒殮如所親一即墨人死于郊外

璘棺而厝之延福寺召其子使歸櫬它如嫁孤女卹癸獨義舉尤多

馬

騏

陰陽官天性孝友弟純仁蚤喪配遺病子負式甫三齡騏與妻鄒氏朝夕哺養長而教誨倍於已生負後得補

博士弟子員

林

茂

貴雄一邑性好施景泰間大祲茂賑粟千石全活甚多是年子恂生人以爲善慶云縣東有勅建義民坊爲茂立

建德王簿林廷秀之父也生平憫窮卹匱傾囊弗吝成化六年歲祲輸粟千五百石助賑有司上聞奉旨嘉獎

勅為義民

趙思孝

峇山社人成化六年捐粟賑飢奉旨獎為義民勅今尚存

王 鼎

字大器歲貢隱松山之麓為人輕財樂義人以乏告每傾囊助之稱貸者聽自償負則置之

孫 瓚

字寶器歲貢性淳樸易直生平不與物競邑苦差徭瓚為蒿目乃赴都院陳告遂獲裁省文廟缺祭器捐置木

豆三百後以歲貢選貳陽曲之官十八日遽告歸

馬純仁

字希范嘉靖甲辰歲貢年二十有六喪耦遺子甫三齡即貢士馬負式也純仁矢不再娶宦遊十五載惟一僕

從鰥居者三十年嘗手一編不問寒暑高朗生順治時亦妻亡不再娶雍正時有庠生桑孟起者鰥居四十年

皆人情所難

王 謨

字嘉甫隣仲子也早失怙恃撫於兄嫂事之如其父族人不校登州秦章與謨為友以誣發配過其里助之資斧

甚厚時泉水諸社漸染異教及奢靡遊俠輩經謨理論咸改省後訓陽

城課士有聲

郝如金

字子純以選貢貳忻州天性孝友跣足百里取神水起母疾待從兄若同胞善教人貧者免其束脩夜遇醉人

卧水上解衣活之里人林鳳携母妻流落京師為稱貸遣之歸居官亦廉惠有聲後子潔成進士人謂善人之

報云

郝 源

邑庠生字濬之慷慨樂施急人之難萬歷丙辰歲飢餓

輸粟助賑併捐金以濟寒士本地暨流來全活甚眾撫按以下皆旌其門時水道社民李廷器亦輸粟若干實

聞風而起自源倡之

孫秉燹

邑庠生性友愛其姪方泰少孤撫養不異已子入泮後以己所立家產子姪平分人皆異之

衣守信

號復齋郭部落社庠生大度能容橫逆不校時清丈田畝或以私憤多增上等信拜謝曰此地無賣日君之賜也

惟杜門發憤并嚴課其子每書館歸必使人呼曰社長某至矣使其子無日不惕嘗力行善事自決其後必昌

乃大書于壁曰吾兒得志勿忘今日杜門時也

孫瑾

其子惟孝官少參孫環如成進士司李漢中

父母早逝遺弟瑜最幼撫養備至及析爨以膏壤讓弟而自取磽瘠入官後家財惟弟所用姪與子無所低昂

族中子弟性敏者為之延師歲終各給禮服以獎異之本社困於征徭多逃亡瑾每歲以廩糧抵納貧者少安

孫惟貞

後司鐸昌樂禹城俱糾諸生講業捐俸供給有蘇湖遺風

歲貢事繼母鄒氏以孝聞教幼弟維祚維祥俱成名邑士從學者眾貧則不問束脩更或給之衣食杜門樂業

以此終身

李遵周

邑庠生崇貞末值登亂士民多驚避周仗義以守與知縣李升吉矢志孤城嚴防數月凡兩被圍棲地保全無

害周之力居多焉鄉官郝晉以績薦授宜川縣知縣

曲唱

邑庠生改革後隱居自廢寄心數學耕稼勤苦以終其身

國朝

李東儒

號振菴翁留社人早孤孝事孀母于異母兄友愛尤篤其視姪猶子也生平慷慨尚義憂人之憂能不以勢利

屈教諸子最嚴以故後昆累世顯達嘗身受其榮逢國大慶褒寵必及焉

李鏜

字夔田幼擅夙慧總角即能文內敦孝友慷慨樂施遇歲祲承母命捐施粥糧無算樂告人以善而規過則直

言無隱人亦諒之不輕謁官府惟公事則被陳利害期于與除而後已嚴于課子讀書學禮外槩不及家事生

平揮金如土竟以此貧已丑歲貢未仕而卒

謝肇基

字亂岐歲貢生讀書秉禮恂恂然儒者敦厚人倫襟懷恬澹負文名樂育後進邑士多從之遊義方教子故嗣

韓嘉桂

字子岩賦性慷慨磊落不羣人以緩急求無弗應素善誼諧然遇後進則訓之禮義諄諄皆長者言也其子

倫後薦賢書桂益著謙和

衣惟敬

字貞白邑庠生性寡合不苟言笑怡情山水以吟嘯適兄惟孝姪環如俱成顯宦而敬澹若寒素掃舍植花

擁書其中曰是足老我矣其孤潔若此

劉孔熠

字春域早孤事母克孝精醫術嘗師事醫人林東崗大闡岐黃能決生死起沉痾人稱神醫東崗老迎養於家

及卒葬之奉兄撫姪尤敦友愛壽八十餘卒

李若蘭

字靜以邑庠生居北關天性淳良心存利濟北門外迎仙橋地率眾修之以便行人捨藥活眾又倡修孤貧

草房二十餘間邑令莊福輝之

林宸

鄒口社人順治時官光祿司署丞為人慷慨仗義成就人才常談義塾于里延明師以課遠近子弟其家

貧來學都必資其衣食膏火一門書香實肇于此而異姓成就亦眾至今東方文學之盛蓋不亞邑城云

牟

概

蛇窩社增生于七之變倉皇避難妻子盡失僅携母及弟竄邑城尋以羅織繫獄三年得解而家無在者惟一

異母弟自外家求得之身傭書常携以自隨苦教之成後亦為庠生

牟辰

王革社大學生舉人日筮之父也尊師重傅聚同異姓子弟而教之多所成就喜濟人緩急投者無不立應雍正三年鄉飲舉大

賓時年八十矣

王啟順

汗橋社人嘗捐數百金建石橋于村南伙助親鄰從不責償雖身為農民而雅尚詩書延師教二子皆為諸生

隋天應

素善撙節有蓄積康熙丁丑大饑惻然曰吾不能為守財虜坐視其死也煮粥三月次年又饑所濟更倍時瘟

疫盛行死者至不能殮皆棺而葬之平日收族睦鄰人無怨者
林 畎 學富文瞻康熙己卯至戊子凡四科三中副車一魁順天後司鐸曹州振文教端士習為人老成持重鄉邦宗之

馮秉忠

大學生英姿偉幹倜儻不羣少貧客遊京師遂貿易於房山獲貲置產盡推以與弟秉恕後乃自給也邑里及房山各捐膏火設義塾且令子鈞踵行之前後計費數千金肉戚崔天福馬立功者携至房山與共財而貿易焉俱得成名其立家人產皆不亞于忠云生

孫公儵

歲貢為大嵩衛教授修學舍置祭器訓士有功去後勒碑思之
林毓英 雍正癸卯舉人孝友端方雅量容物以抱疾不仕然陶成後進宗戚賴以成名終不下百十人所居濱河田遭水沒歲賠賦百餘金英率先請遂得題豁免累者數十家

李慶善

附貢生給諫唐裔少子也五歲而孤能白樹立子五歲之最嚴並教姪元含成貢士含尋卒妻亦以殉節死慶善深悼痛之猶紀其喪性喜施予族中貧者多賴之舉火其一入嘗鬻其女為贖而歸之建義學于西林祖居修脯膏火之需歲費數十金邑尊經開旁有隙地淤為泥場或以掘傷文脉告即捐入文廟今五子皆成名而秉鑑為奉新令得贈慶善為文林郎

牟 悌

孝事繼母撫孤姪慈而有方好義輕財族黨中施濟無算嘗贖其鬻女而歸之業師後嗣貧困不能存資之生產後舉孝廉司檄下而丁內艱矣

林再思

貢生性豁達好義姪棠以坐食蕩產再割己田而與之予子歲飢犯搶糧者率繩以重典時弟再忠被劫思教之曰此救死之民情殊可矜願吾弟存此陰隲也乃減其數而以竊報遂活數十人福邑車姓以寃獄懷金求脫于思思排難而卻其金生平義行多類此

寺口社人樂善喜施村有古廟就傾獨力修葺

柳安一 歲飢煮粥活人又每施衣於盛寒人皆義之

王九成 王革社人移居邑西門嘗拾銀一封約二十金併花名冊即具帖招之尋有人倉皇而至乃瓮留社糧催也付之而卻其謝

張以誠 唐山社廩生自父秉爨業儒誠刻苦力學以承父志父沒奉母董氏先意承順侍疾衣不解帶者數月養其孀母之無歸者以絕產讓從昆弟善成後進孝廉李秉鑑兄弟皆其弟子也鄒儒家貧嘗召至家飲食而教誨之庚午亦舉于鄉誠生平

牟日箴 任海豐訓導四歲失母尋喪父事繼母夏氏五十餘年問視無缺

樂國安 次口社痒生坦懷處人橫逆不較公事外未嘗一涉城府尤廉潔自守一介之取不苟士林重之

馬立功 任留社大學生性慷慨尤篤孝友堂弟聖瑞十齡而孤撫教若同胞使成名大學給田宅比中人之產瑞亦

其遺子以報之居鄉有大度善濟人親族多賴以不飢有負債不能償者即折券棄之

牟之儀 南宮令國鑪家孫也年十八父恢見背與叔悌同居出入稟命唯謹如事其父云家居視躬教子肆力經史而尤淹貫于綱目一書衣食有餘嘗推以濟貧乏乃人情難厭或至橫逆加之亦不校也年未艾而卒鄉邦惜之

其日子緝志見牟氏之門一時何多賢也考國玠昆季八人而于難罹禍者七三年園扉艱苦備嘗已而獲釋乃矣

卧薪之志假父命以厲諸昆及其羣子弟以故側身修行

立名樹品迄再世而未艾凡皆危苦之玉成也不然絀袴

之子青矜佻達非所謂生於憂患死於安樂者歟

五

卷七

七

烈婦

明

林氏 隋一龍妻 夫卒自縊

隋氏 生員徐思仁妻 夫病不起 氏誓從死 及疾革 氏入臥室 整容自縊 與夫同時絕氣 嘉靖四十一年 本府同知區旌

其門

蔣氏 張翼妻 年十六 夫亡自縊

呂氏 庠生林發祥妻 夫亡自縊 崇禎癸未 城陷 有啟其棺者 見面色如生

高氏 潘士元妻 夫亡自縊

張氏 生員鄒著妻 夫亡自縊 時年二十四 嘉靖時建坊旌表

馬氏 劉心赤妻夫病篤氏蓬垢蚤夜扶持及疾革卽自誓以死
迨闕棺次日日盡散公私囊資拜辭姑嫜潛於柩旁自縊時

年二十一 奉旨建坊旌表鄉人題曰辭父叩母
幾句名言留宇宙整冠結履一條白練繫網常

吳氏 衣潤身妻年二十四夫亡遺孤雲鳳六歲守節訓子
食餼邑庠崇禎辛巳遇掠大罵賊遂被害年七十一

于氏 生員史世憲繼室夫亡氏哭泣不絕者三日
坐卧靈側縊而死萬歷五年按院移檄旌之

王氏 宋選成妻
夫亡自縊

侯氏 生員李宗妻夫病危氏約同死及卒與父母從容拜訣
遂自縊蓋夫卒之明日也巡撫奏請建坊旌表並勒碑墓

前

呂氏 儒士劉必遠妻夫偶罹奇疾氏謹事之誓以死從及
卒乘家人防疎夜半整容自縊 奉旨建坊旌表

閻氏 周价妻夫亡
白縊柩前

李氏 生員王化宣妻夫亡
自縊奉旨建坊旌表

王氏 廩生衣惟友妻生與夫同日同時從夫避難江南夫亡遺
孤六月將以死殉或勸之撫孤曰夫亡婦死分耳同日自

縊至國

朝旌表

范氏 庠生王澤妻癸未城陷
其夫被難不屈同遇害

鄒氏 庠生郝延享妻癸
未城陷不屈遇害

劉氏 庠生牟道中妻

王氏 庠生牟鈺妻

徐氏 廩生王化源妻以上三
氏皆癸未城陷自縊

國朝

閣學王之樞作牟公及前後夫人合傳詳其事

劉氏 庠生柳映參妻歸數載映參卒無子誓不獨存

尚氏 孫歷妻夫病歿氏勺水不入口姻戚力勸氏曰吾尚氏女無再醮者從一而終婦人義也越三日從容就義時年二十八當

康熙年

鄭氏 王克昌妻昌中年無子貿易江湖遂負債百餘金及死氏變產盡償不遺負一錢而以餘產付昌胞姪使為昌後奉

祀百日禮賓 後縊于寢室

張氏 牟岐妻夫死決意身殉兒女繞膝亦弗顧于第十日縊死

持乾烈性剛腸如火斯然義可以取生可以捐婦兮從夫漆固膠堅追隨夜臺含笑黃泉

王氏 柳運妻夫死三日縊于柩旁時年二十六

劉氏 路秀妻秀負沉疴氏奉養勤懇後知不起亦累日不食迨卒即飲瀕同日而逝闔庠公籲得上憲匾旌

王氏 孫世芝妻雍正七年芝亡無子氏為芝取嗣以殯遂自經邑令王旌其門

鹿氏 牟良弼妻雍正八年弼亡氏自經以殉時年二十七

曲氏 王九成妻雍正丙辰九成病亡氏即自縊救甦以剪自刺其喉姑覺而盡藏室中利器氏乘隙乃以頭簪自刺死九成即拾金還主者也登萊

孫氏 庠生林毓箴妻夫亡七日飲鴆而卒事在雍正十三年

劉氏 孫仕妻嫁未三月仕病死翼日即

尹氏 林滋本妻乾隆四年滋本病亡氏

孫氏 萊陽女拔貢李元含妻元含以苦學遘疾沒氏跪辭其姑曰婦既無子夫幸有兄媳得死所不能長侍膝下矣姑百

端勸慰惟忍淚唯唯翼晨則投繯死矣邑人
義之聞于上 詔建坊旌表有傳見藝文

林氏

李文明妻夫亡誓同死家人防之甚密氏乃飾為
歡顏乘間而縊正夫五七日也時為乾隆八年

牟氏

林斯和妻和卒時氏方有娠謂其姑曰所生男也當為林
氏撫孤女也從夫地下耳已而得女姑為之煮粥粥未熟

而已懸梁矣事在乾隆九年登萊
青道熊欽其義烈旌曰審義全貞

樂氏

庠生郝鴻業繼室鴻卒氏孝事翁姑撫前室子仕及翁姑
卒仕亦亡氏為仕立嗣葬姑及仕而自縊于夫神主之旁

乾隆十年奉
旨建坊旌表

李氏

柳果妻果卒氏年十九痛哭欲絕家人勸以舅姑為
念曰有兄嫂在遂于柩前自經事在乾隆十一年

牟氏

李良弼妻弼病危氏約同死及卒拜辭舅姑以
奉養托之妯娌而自經於內室邑令徐匾旌之

張氏

吳聖義妻于歸五載聖義遭疾將死氏曰義當從君但主
祀未立奈何已而聖義歿定而投繯以殉邑令旌曰

堅金

石

烈女

牟氏

鄉官牟鏗女年將及笄崇禎癸未值城陷不
屈遂遇害葬燕村北山之西麓墓前有碑記

孫氏

萊陽巨族女幼字郭落衣黿黿故宦家子于七之亂縉
遭誣者眾黿舉家被逮獨以身脫匿孫所謂其可生已

也孫以女尚在室衣氏禍且不測謀將執而獻之氏潛以
實告助之資斧而逃之遂自經也黿夜竄夢氏指示前途

頸若垂組者驚曰得無死而衛我乎事平訪之果然感其
義立主於家使子孫世奉之登萊青道熊旌曰義烈雙

節婦

明

劉氏李氏

劉隋好信妻李信弟好直妻信兄弟俱亡二氏誓死
以守績紡相依以育諸姑景泰元年奉 旨旌表

其家
徭役

林氏

徐懋妻鶴慶太守恂之姊也懋早卒遺一子氏誓死撫孤孀節凜凜壽五十而卒

王氏

林九思妻夫歿氏年二十三止一女誓死守節後女亦殞貧苦異常或勸之嫁輒正色拒之歲時必登夫壠而哭

焉凡五十餘年及卒家人啟塚合葬於九思墓

林氏

李鳴鶴妻鶴卒氏年二十五子時馨在襁褓氏礪節撫孤教子成庠生壽六十有司旌表其門閭

姜氏

萊陽姜某女適邑人林質質亡氏撫幼子守貞不移以壽終

高氏

監生李鳴鳳妻鳳卒氏年二十四有遺腹三月後生男孤砥節嘗以績紡自給凡五十七年萬歷十八年知縣

思鰲聞於上旌其門且給之穀

李氏

李林妻適林九年而林卒氏欲殉以姑無托乃績紡四十餘年孝敬如一日有富豪謀娶氏力阻之雖貧

無丐貸以此尤為鄉里所重達於上按院旌其門閭

牟氏

李世家妻鄉官道行女年十九夫亡上有老姑子篤方在抱氏仰事俯育備極艱辛及姑歸葬子遊庠氏曰

今可以死矣壽七十有五

馬氏

增生孫維祥妻十六夫亡守節終身壽六十三按院匾旌其門

李氏

王氏子為王氏子兩氏同心一愛一敬共凜冰霜人稱雙璧

璧

國朝

李氏

王澤泳妻年十九夫亡守節撫四齡幼子子亡又育其孫艱苦四十餘年生平言笑不苟壽六十七卒

郝氏

庠生衣應聘妻年十九夫亡撫子佩印成庠生

鄒氏 庠生年鉅妻夫亡撫子國祚成庠生

劉氏 庠生王化振妻夫亡撫子質成庠生

王氏 儒童年國溥妻夫亡子幼家貧守節訓子成立

牟氏 庠生王化似妻適未踰年而夫亡遺腹子憲撫養成庠生

劉氏 林脫魯妻年十七夫亡遺腹生子文煥家貧紡績為生苦節倍常後子成庠生

馬氏 高起鳳妻年十八夫亡守節訓子

陳氏 杜若彬妻年十九夫亡遺孤成真甫三月家貧日不再食氏苦節撫子成立

牟氏 廩生林調羹長男巒妻鄉官國瓏女年二十而寡苦節多載撫子毓棟為郡庠生

以上俱載前志

宋氏 紀大妻大亡氏年二十四一豪欲奪其節氏持刀自刎傷入寸許救之得不死自是傷結成癭見者知為紀氏烈婦也家貧賃屋而居主人牟恬重其節終身不責屋直登萊青道熊旌曰節烈堪矜

林氏 舉人牟惘繼室惘卒氏年二十八孝事孀姑教子甚嚴故曰箸等皆能守身力學不墜其家聲云

牟氏 宋際時妻年二十九而寡生子甫數月當際時彌留曾囑其改適後叔以兄命勸氏不可苦節四十餘年

林氏 貢生郝作棟妻棟卒氏年二十四矢志冰霜孝事翁姑苦節六十年今八十有五

曲氏 寧海巨室女歸牟御史恒為繼室生長宦家其勤儉操作無異貧窶恒歸田後卧病八年氏常奉湯藥不倦恒沒遺子曰箝甚幼氏鞠育恩勤兼有

畫荻之教不以非已出有異視

張氏 王顯宗妻夫亡遺子時雍貧無所倚氏艱苦備嘗而於翁甘旨不缺後子入庠氏壽六十九而卒

李氏 孫詡妻詡亡氏年十七守節四十餘年今六十有五

王氏 增生牟性妻性卒氏年二十五孝事孀姑子曰聘自五歲撫之成貢士尋亦沒遺子鴻緒等氏又撫之與孀媳史氏苦節數十年今壽六十四

今壽六十四

于氏

王恩妻恩自陝西流寓於棲嘗懷故土氏曰吾惟君是從後恩遽亡遺子女五人哺養不給嘗數日不炊終不肯向人乞憐也苦節四十年而卒

四十年而卒

牟氏

增生林諱妻諱卒氏年二十八姑陳氏以痛子寢疾十餘年賴氏孝養姑歿而奉翁尤謹翁八十餘飲食寒温曲盡小心一子本碩邑廩生

碩邑廩生

衣氏

庠生林訥繼室歸訥未幾訥病氏奉湯藥三年及卒翁姑勸之嫁乃以死誓撫前室子備極劬勞翁仲愚年八十餘孝養無缺氏與諱妻牟氏為娣

如節孝亦並著 以上東西隅

劉氏

庠生于雲鵬妻夫卒氏年二十五二子俱幼內外侵侮氏艱苦維持加以勤儉至孫文龍為大學生猶享温厚氏

八十有三

孔氏

孔震妻年二十九震亡家稱素裕而舅姑先亡氏獨與三子居氏生一子甫三月並撫前室子而教之皆能克家云

杜氏

衣獻妻二十六歲而寡子廷琳生甫六月翁姑俱亡或欲奪其節而嫁之氏誓其婚人而止後廷琳育五子皆力農孝養氏壽八十餘終

八十餘終

張氏

衣有恒妻十九于歸未三月而恒卒家貧無子一豪家謀娶氏堅志不回苦節四十餘年

馬氏

劉國龍妻年十九國龍赴海北久不歸氏又無子人口已別娶生子矣汝可自為計卒不應後聞龍客死廟節若前後四十餘年氏讀書識禮

故守義若此 以上福井社

王氏

衣文冕妻氏年二十七而冕亡無子繼堂兄子紹裔為嗣氏奉翁姑撫幼子冰節四十餘年 以上郭落

長曰自古貞婦矢栢舟之節率至性所發而櫛片
教化之力蓋亦有焉棲之閨闈以節稱者蓋不少
矣顧半出於蛇窩鄒口士夫之家何哉無亦禮義
之教素聞父兄而家資溫厚又足自給故節義往
往而著他若窮鄉下壤一社中或寥寥一二人大
抵柴門落照五夜孤燈非鐵石爲心豈易於茹荼
冰蘖中稱完節哉前志諸人居第無可考矣續增
九十餘人或斯人之尚在幸里居之可稽余故區社
而別之俾知人文所聚風教固殊不以巾幗異也

范氏

范重奇妻奇亡氏年二十九子甫四月姑尚存有勸之嫁
者叱曰如老母稚子何後姑沒家道益窘氏晝夜勤苦不
出閨門且性嚴教子有方
鄉人尤義之今壽七十

郝氏

王閱繼妻夫亡遺前室一子撫之無異已出事翁
脩盡孝養惟恐以喪子傷懷氏今壽五十有九

孫氏

范文炳妻炳卒氏年十九維經幾死爲家人救甦
矢志守節績紡度生今五十有一
以上觀前社

呂氏

路之德妻德亡氏年二十七翁孝子幼嘗採葛績紡以
供饑薄田數畝身自耕作今三子俱成立氏八十餘

徐氏

范琛妻琛卒氏年二十四至今苦節五十年孝事翁
姑和於妯娌人無間言壽七十有四
以上艾山社

牟氏

庠生王經妻經亡氏年二十九子子遴廷瑞俱幼氏下撫
二子上事祖姑及翁姑脩極艱辛後二子俱入庠氏壽六
十九

李氏

衣錫侯繼室年三十而寡子二一前室所生撫愛如一夫
亡後事翁益加孝謹翁嘗語人曰自有吾媳不知吾子之

亡也後子孫相繼多遊庠

侯氏

陳吉盛妻盛卒遺子九歲薄田數畝親黨無可依者氏惟勤女工並課子力農後孫曾蕃衍竟以勤儉起家卒年九

五十

王氏

林國憲妻憲有宿疾氏歸二年而憲卒氏年二十一無子或勸之再醮變色拒之奉姑色養備至苦節三十年今五

十八以

劉氏

暨子 劉氏隋文學妻年二十七夫亡子觀娶王氏生

御之自後劉氏躬櫛王氏理家子孫產業日增皆二氏苦成之

柳氏

王國光妻光亡氏年二十二姑耄年五子擇賢獨依氏氏子受室而亡為媳取嗣共事孀姑享壽八十餘

王氏

鄒國秀妻秀且死詔以家貧無子可改適及死姑又諭之日母以我誤汝氏皆不從誓死奉姑姑歿罄其產而葬之

仰針縫自給今六十餘矣闔族高其義爭饋養之以上葛格社

郝氏

樂潔妻潔亡氏年二十二翁耄子方四歲氏奉養無缺教子士達為庠生氏今六十九

王氏

樂桂生繼妻年二十八而夫亡孝事翁姑子一揆撫之若已出後為大學生

劉氏

樂培和妻二十八歲而夫亡遺子堯鈴僅周歲艱辛撫孤得策名成均氏年五十有八以上次日社

陳氏

袁茂栢妻栢卒於順治六年氏年二十三內理家務外息侵侮艱難辛苦翼子宏思入庠氏壽七十有三係楚留社

李氏

王四甲妻甲亡氏年二十一子賓甫周歲撫之受室後亦亡遺子氏又撫之生平以績紡度日今六十有二係徐

社村

范氏

范大倫妻年二十而寡幼而舅姑俱老氏立志守節以

邦為國學生乾隆甲子奏請建坊旌表壽八十有二乃卒

康氏 劉即亨妻年十九而寡子之俊甫三月翁姑憐其少欲嫁之乃服毒幾死後之俊生六子氏壽七十有五

郝氏 李豐妻豐亡氏年二十九誓不欲生以姑衰子弱忍死守節茹藥四十餘年壽七十三而卒

吳氏 柳探工妻夫卒氏年二十三子甫九月祖翁憐其少勸之嫁氏矢死以守翁喜將昇以養老田辭不受生事葬祭與兄弟均不以孤寡自

諉也子祥生後遊泮

杜氏 柳鳧妻崑亡氏年二十八子運生方數月氏苦節撫孤今運生入成均家業日起皆母氏教之

王氏 柳常吉妻二十六歲而寡撫四齡幼子事孀姑備嘗艱苦今六十餘 以上翁留社

林氏 孫惟一妻夫亡氏年二十五一子紹先方五歲氏教之為廩貢生事舅姑以孝聞邑令兩旌其門壽九十卒

孫氏 公備女幼字衣某某以于逆亂遭誣捕急遂遠竄不歸父母將收字之氏日兒以死待衣氏年四十餘知衣流

諸城乃遣婚焉今子孫復旋里居原頭村

于氏 孫王多妻年三十而寡二子俱幼既而長子受室而亡與媳牟氏貧苦相守冰操六十年邑令繼旌其門以上院山

社

韓氏 庠生馬仙妻仙卒氏年二十六上事翁姑下撫二子長男昆伯為郡庠諸生氏壽六十九苦節四十年

慕氏 丁琰妻琰卒氏年十九冰霜自勵撫嗣子秉義成立義亡又撫孫苦節五十年 以上柞樂社

劉氏 王發財妻夫亡氏年二十五守節撫孤艱窘備嘗壽七十三卒

王氏 李紹曾妻二十二歲而寡子女無出奉姑守節四十餘年 以上楊础社

王氏 萊陽女幼字林胤珩未嫁而珩死欲奔夫家守節父母不許即以死懇遂詣喪所成服撫繼子光緒成立事姑克孝

壽八十 四乃卒

王氏 生員林仲慈妻通許令璿之子媳也慈卒氏年二十二舅
姑念氏年少諭之嫁氏誓死守節遂繼兄子間為後方二

歲撫之如已出氏勤儉持家躬親操作間為清白
吏子孫而衣食豐饒皆氏勤儉所貽今壽八十

劉氏 廩生林泰一妻年十八而寡撫嗣子世冕迨冕卒
遺孩數月氏又撫之至於成立苦節三十餘年

李氏 林士林妻夫卒氏年二十一苦節四十
年繼子煥撫同已出 以上荆芥社

丁氏 史嚴紳妻紳卒氏年二十遺腹方三月兄欲奪而嫁之
誓死不移撫子佐成立苦節三十餘年 係崗山社

柳氏 張曰璿妻璿亡氏年二十四內外無倚母憐而欲嫁之乃
髡髮毀面以自堅與一男一女鶉衣糲食破屋相守而已
後男頗能立家氏壽六十有七

林氏 登萊青道熊旌曰智全節義
庠生張國翰妻年二十而國翰歿即欲殉姑曰若我何氏
遂茹荼守節奉老撫幼以績紡供朝夕今壽六十有四
以上朱留社

尉氏 卒曰朗繼妻朗卒氏年二十五子岨方六歲姑病而翁
失明氏艱苦萬狀奉事無缺視前室子崙與岨無異今七
十餘猶以勞

郝氏 卒作新妻二十三而寡苦節四十
餘年性醇厚賢良教子也為增生

郝氏 廩生懋德女州同卒曰應妻也二十而寡有遺腹數月生
則艱苦自矢撫且教至於成立年五十九卒子為貢士遺
傳

趙氏 廩生牟心仰繼室仰卒氏年二十九撫前室子佐箸如已
出佳箸者所生也不以孤弱寬假皆教之動循禮法氏年
五十
餘卒

王氏 牟勳妻氏年二十五勳亡勳有兄弟而家室不完上事雙
親下理家務者惟氏一人而已子曰節撫之成立氏令六
十有
六

卷七

卷七

卷七

卷七

夏氏 庠生牟忱繼室忱卒氏年十九撫前室子曰箴如已
出奉姑盡孝後箴由歲貢任司訓皆氏苦節成之

董氏 牟肇域妻二十一歲而夫亡撫
子應運為庠生 以上蛇窩泊

郝氏 監生林巖妻巖卒氏年二十九矢志守節奉祖姑以孝聞
訓二子毓英毓芳一鄉舉一歲貢氏壽八十有六奉 旨

建坊
旌表

于氏 林巖妻樂卒氏年二十八撫子毓茂
入國學苦節艱貞奉 旨建坊旌表

嶸邑庠生

林氏 費喜妻年二十六喜亡撫幼子紡
績為生貧且益堅苦節四十餘年

王氏 柳泰妻泰卒氏二十七子稚家甚
寡不以飢寒易節今八十一矣

徐氏 陳大學妻夫亡氏年二十八撫子光光弱冠後
亦逝復與幼孫苦度氏今八十餘孫力農供養

孫氏 陳大德妻歸陳三月陳赴海北卒氏年二
十三撫姪為子冰操五十年今壽七十三

何氏 苦節五十餘年今壽六十一
于銘妻夫亡氏年十九撫幼子

田氏 苦節四十餘年壽六十一卒
杜永祿妻祿亡氏年二十

陳氏 六守節無孤今七十四歲
于嗣璧妻璧亡氏年十八無子

王氏 立繼子苦節撫之壽五十卒
國學生林毓萋妻鄉官牟懋女年二十而寡無子

牟氏 繼子浚撫之為邑庠生苦節四十年今壽六十四
柳大為妻康康卒丑大為病故氏

傅氏 年二十八矢志守節今六十有二
陳蘭妻蘭卒氏年二十二撫一子

徐氏 績紡度日歷艱不渝今六十有一
林毓慕妻慕亡遺子長者七齡幼周歲時氏年二十四

劉氏 奉二親而嚴子課子今子暢本食餼次亦庠生氏年五十
有九

牟氏 林樂次子國學生佳植妻卒慳女植卒氏年二十六
矢志守節孝于翁姑子聿修自歎歲撫之今入國學

田氏 柳冲妻二十五歲而寡苦
節六十年以上鄒口社

張氏 蔣英妻英本籍蓬萊崇禎十三年英卒氏年二十二惟一
姑相仗以薄田在棲携子惟炳徙居之炳時纔五月辛苦

撫之成再世則產業漸豐今名蔣家
莊實始自氏曾孫志超等皆庠生

史氏 孫仁軻妻柯亡氏年二十一矢志守節繼子
嵒撫之成立壽七十二歲卒 以上化山社

林氏 張連忠妻夫亡時氏年二十八子方七歲無一壠
之田惟績紡糊口今壽七十四歲 係葛山社

郭氏 郭三元妻夫亡氏年二十
二守節終身壽八十一歲

郭氏 暨子 王氏 孫劉氏 郭氏 卒荃露妻年二十三而荃露歿
婦 無子繼子斫方五歲郭撫之成立為
娶王氏生兩男而斫歿王年二十六姑婦共守撫孤以基

秉鎬鎬入武庠未幾與兄同歲歿基遺妻劉氏 婦 王

俱二十餘有子皆幼而郭氏年六十八矣三世四孀一門
共守又五年郭卒距夫歿蓋五十年而喪子後則二十八

載也今王氏亦七十餘兩孫婦各五十能終
其志云登萊青道熊題以三世四貞特旌之

姜氏 生員牟梓妻年十七而寡繼子文昉梓胞姪也生甫
三月撫之成立事翁姑自生養迄葬悉竭誠盡禮

王氏 庠生牟培元妻元卒氏年二十七上事孀姑
下撫幼子果食餼邑庠氏壽六十有三

杜氏 牟燮妻夫亡氏年二十八矢志守
貞撫二子皆成立今氏六十一歲

孫氏 牟天鏞妻年二十夫亡無子立志守節遂繼胞姪淑為
子氏紡績度生每食必薦之夫主而後食年今六十

周氏 李欽妻夫亡氏年二十五撫子永
先成立苦節數十年氏今六十歲

唐氏 牟國賢妻年十九而寡苦節
四十餘年 以上鐵口社

張氏 廩生呂嗣益妻夫卒氏年二十四子四歲氏以勤儉翼之
漸立產業以書香繼世今孫延仲等兩為諸生縣令莊旌

妻 廩生 孫 志 卷七

曰霜筠勁節氏之始而持家也日不再食其守身也雖卑幼十五以上不令入室其謹飭如此
呂堯隆妻隆卒氏年二十一薄田數畝饋粥不給以女工
佐之子長而導之勤儉今漸饒裕氏壽九十餘矣 以

水道

林氏 韓廷璧妻康熙壬午夫卒氏年三十餘一子甫八歲氏奉姑教子二十餘年以壽終 係鄒格社

范氏 增生高天階妻年二十八而寡子四長纔十齡幼穉深氏孝以奉姑而嚴於教子後入庠者二苦節四十年今壽六十有九 係

王格社

鞠氏 楊禿妻年二十九禿凶撫孤起順艱苦備嘗今六十一歲

于氏 李士德妻年二十四而寡無子取姪維新為後自三歲撫之為諸生氏苦節四十餘年壽六十五而卒

高氏 劉芳英繼室庠生高倫女夫亡氏年二十一歲前室子承章二歲氏孝事翁姑無幼子如已出苦節五十年而卒

孝婦賢媛

牟氏 明輝生林正行妻鄉官牟道行女也舅姑將九旬病臥床氏竭力奉養久無倦色飲食豐潔且聽所與不少吝有遺穢或倉卒以手承之藥親嘗而後進及卒治喪尤盡禮

而後進及卒治喪尤盡禮

王氏 幼字姜某未及嫁而姜有廢疾父母欲改婚氏不可及適姜貧苦備嘗克盡婦道 此出舊志時代無考

孫氏 國朝增生牟國琛妻琛兄弟幽囚臬獄氏鬻其婢女以供衣食迨釋歸而氏已病殞兄國玠哀之畧云辛丑歲邑遭

變吾兄弟俱被逮羈省獨孚幸免吾琛弟之妻孫氏與孚謀所以衣食予者曰吾陪嫁止一婢不暇自顧矣乃鬻之以供吾兄弟患難用越二載吾兄弟歸而弟婦乃不起矣嗚呼痛哉

弟歸而弟婦乃不起矣嗚呼痛哉

其日一婢所值幾何而囹圄之中得之以生此牟公所以深感也深室之橐饋艷而傳之有以夫

孫氏 鄒口貢生林調鼎妻姑年八十病癱氏竭力床褥間衣不解帶每食必自奉不假手婢妾中裘等衣身自澣滌寒暑無擇也姑惟一女適郝氏老而貧姑沒猶終其身迎養之氏享年九十乃卒子礫成進士知泰興縣以 覃恩贈氏人孺

史氏 貢生牟恬妻事姑至孝每承顏意先姑晚而脇痛每發至不安寢氏亦經旬衣不解帶有幼子病危以奉姑不暇顧也子三人兩登甲科一薦賢書人以爲孝德之報云

郝氏 貢生牟恢妻孝奉姑嫜和於妯娌敬夫如賓而樛木之仁逮于諸妾夫卒時庶生三女氏顧復悉如已出生平温厚和平爲牟氏 閨闈之冠云

陳氏 衣倬妻孝事翁姑翁久病藥餌飲食氏獨任之不以委娣姒闔邑區其廬曰孝德可風

郭氏 貢生李慶善妻孝廉秉鑑秉政之母也自奉常約而於族鄰間施予不倦嘗命子力行善事所居埠後村山澗雨雪

輒阻行人又小芥有山徑下臨巨川稱險峻鑑等受命建橋鑿險以利行人後以秉鑑貴贈氏孺人

牟氏 銅陵令林仲懿配也仲懿昆弟有四分爨後父通許公獨依少子晚年抱病飲食皆氏手調不假庖人姑韓孺人嘗痛腕每發經旬氏殷勤按摩至通宵不寐嘗焚香告天視其身代諸事先意承志舅姑亦視天願錫令予以報吾賢婦今諸生誤講皆氏子也

張氏 淠橋崔澐繼室前室子天福甫三齡氏哺撫備至後生子天祺七年而澐卒時姑尚在堂氏績紡脩甘旨教二子勤儉立家及天福入大學恢復祖產氏喜曰有子如此吾可以見良人矣今天祺亦入成均氏年六十八猶自營籌家事

牟氏 李泳霖妻增生國琛女也事舅姑甘旨必親調舅沒與姑同寢息探承意旨姑病盲求良藥浣拭之時或舐以舌後竟復明登萊青道 熊旌曰閭孝感神

孝女

李氏 明艾山人父採石南山為鱗所食氏往而哭之甚慟誓必
得父屍俄而雷雨大作鱗震裂其腹遂獲父屍以葬乃觸
石而死有司
立祠祀焉

義僕

林之珍

本名劉住子庠生林佺家僕也或誣佺以通于七遂繫
臬獄三年家資抄沒牢食不支珍隻身供給久而不怠
及昭雪歸乃賜今名待以姪禮
令子分與田產之半以報德也

林進祿

庠生林允祚家僕于七作亂殺掠鄉村人皆走避其主
母老不能動進祿夜負而逃遂免害允祚亦被誣久繫
臬獄祿與珍爭先効義各衣食其主且為脫難之策
無不至迨允祚釋歸亦厚遇祿人稱林氏兩義云

仙學

丘處機

字通密自號長春子本縣濱都里人金皇統間其母感異夢而娠將誕紅光映室隣以為丘氏火趨救之乃舉子兒時有相者曰異日當是神仙宗伯年十九為全真學入崑崙師重陽子友諱馬劉諸人開煙霞洞建五大會後入磻溪穴居日丐一食披一簑人謂簑衣先生尋隱隴州龍門山七稔道既成聲達帝庭金世宗徵赴燕都賜宴詔對數以持盈守成為戒旋歸棲霞大建太虛宮山東亂駙馬都尉僕射散公討之登及寧海未服請機撫諭比至投戈二州乃定會元太祖聘而金使亦至機辭謝二使退曰吾行止天也今天道在北吾將順受其正遂應元聘太祖召見每言欲一天下必在不嗜殺人為治在敬天勤民長生在清心寡慾瑞鶴隨翔甘霖應禱熒惑犯尾禱之退舍一時自天子以至庶人莫不師事忽大雷雨太液池南岸地水入東湖聲聞數里池遂涸壯口山亦摧機曰山其摧乎池其涸乎吾將與之俱乎遂化去越明年弟子將葬啟棺視之儼然如生道

丘處機

卷七

七

俗萬人瞻禮三日葬燕都白雲觀之處順堂與元太祖
問答語暨其生平著作守濱都宮道人王一興刻集行
世

